

Zeitschrift: Helvetia : magazine of the Swiss Society of New Zealand
Herausgeber: Swiss Society of New Zealand
Band: 14 (1949)
Heft: 9

Artikel: Zivilisatio
Autor: Moosberger, A.
DOI: <https://doi.org/10.5169/seals-942907>

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 17.05.2025

ETH-Bibliothek Zürich, E-Periodica, <https://www.e-periodica.ch>

Z I V I L I S A T I O .

J de hüütige Zivilisatio,
do macht mer Fortschrett, do bliibt mer nöd stoh,
wenn mer z'regg a lie Ziite denkt,
wie händ s' au Lebesmittel versenkt,
Weize ond Kaffi ganz Hüüfe verbrennt,
wer hat nöd die grosse Spekulante kennt,
die händ Futter verlochet ond vergrabe,
ond händ g'johmeret, Priise g'heiet söst abe,
ond das arme Volk händ s' hungere loh,
dem seit mer hüütigstags Zivilisatio,
zom zweite ond zom drette,
gönd s' go schwarzi Seele rette,
's ist scho recht, wenn mer dere Seele rettet,
es hät aber no viel Wiissi, wo 's au nötig hettet,
me zeigt a jedem Negerchind,
wie wiit veraa mer Wiisse sind,
met Polver ond met Blei,
zeigt mer wie zivilisiert das mer sei,
im Kino zeigt mer Raub, Mord ond dere Rostig,
das ist lehrriich, das ist löstig,
me zeigt wie mer mordet ond hängt,
ond wie mer Fabrike i d'Loft ufe sprengt,
ond die Räubergschichte, wo mer öber's Radio höhrt,
zeigt düütlich, dass mer zo de Zivilisierte g'hört,
me zeigt's Chriegshandwerch i alle Phase,
wie mer Lüt ombringt met giftige Gase,
wie mer's Lebtege vergrabet, ond Lebtege verbrennt,
wie mer's verstümmlet bis niemer me kennt,
es ist truurig, das so wiit hät chönne cho,
dem seit mer jetz Christetum, das ist Zivilisatio,
weins' vo Äropläne Bombe abegheiet,
ond brallet wie zivilisiert das mer seiet,
wie müends' au lang studiere ond schaffe,
baudet Chriegschiff, erfindet neuu Waffe,
ond chuun ist se en Weltchrieg vorbii,
so fädlets wieder en andere ii,
do händs' scho wieder neuu Mordwaffe usedenggt,
me hät meini no nöd alli Chriegsverbrecher g'hängt,
do werd dean alles vernichtet met Huut ond Hoor,
das chonnt blos i zivilisierte Ländere vor.

A. Mocsberger.